



# Wiko

SHARE YOUR IDENTITY

**Euskaltelek itzultako eta  
ekoiztutako eskuliburua**



## **DARKMOON™** HELL

**Eskuliburu laburra**

---

*Baliteke eskuliburu honen edukia eta zure telefonoarena desberdinak izatea, softwarearen bertsioaren edo zure telefono-operadorearen arabera.*

---

## ZORIONAK!

**WIKO DARKMOON** telefono mugikor bat eskuratu berri duzu.

Eskuliburu honetan aurkituko duzu telefono mugikorra erabiltzeko informazio guztia, WIKO unibertsoan sar zaitezten lehenbailehen.

**Copyright © 2013 WIKO**

[www.wikomobile.es](http://www.wikomobile.es)

Eskuliburu honek dakarren informazioa ezin da inola ere transmititu, erreproduzitu edo hedatu WIKOren idatzizko baimenik gabe.

**Marka komertzialak**

**WIKO** WIKOren marka erregistratua da.

**Oharra**

**WIKO**k eskubidea du edozein unetan eskuliburu honetako informazioa aldatzeko. Kontu handiz egin

dugu eskuliburu hau, baina hemen jasotzen den informazioa eta gomendioak ezin dira berme gisa hartu.

## **Erantzukizunaren muga**

Gailu honen bidez eskuratu daitezkeen zerbitzu eta eduki guztiak hirugarren batzuen jabetzakoak dira; beraz, legeak babesten ditu (egile-eskubideak, patenteak, lizentziak edo jabetza intelektualeko beste lege batzuk). Zerbitzu horiek eroslearen erabilera pertsonalerako dira, ez erabilera komertzialerako. Eduki eta zerbitzu horiek ezin dira erabili edukiaren jabearen idatzizko baimenik izan gabe. Erosleak ezingo du inola ere kopiatu, argitaratu, transferitu, saldu edo ustiatu, inolako euskarritan, gailu honen bidez editatutako eduki edo zerbitzurik, ez eta haien ondoriozkorik ere.

HIRUGARREN BATZUEN ZERBITZUAK ETA EDUKIAK "BERE HORRETAN" EMATEN DIRA. WIKOK EZ DITU BERMATZEN HORRELA EMANDAKO EDUKIAK EZ ZERBITZUAK —EZ ESPRESUKI, EZ INPLIZITUKI—, EDOZEIN DELARIK ERE HELBURUA, EZTA MERKATURATZEAREN ETA ERABILERA JAKIN BATERA EGOKITZEAREN BERMEAK ERE. WIKOK EZ DU BERMATZEN GAILU HONEK EMANDAKO EDUKIEN EDO ZERBITZUEN ZEHAZTASUN, BALIOZKOTASUN EDO LEGEZKOTASUNIK. WIKO EZ DA INOIZ IZANGO, EZ KONTRATU BIDEZ EZ DELITU BIDEZKO ARDURAPEAN, ZABARKERIAGATIK GERTATUTAKO KALTE ZUZENEN, ZEHARKAKOEN, ISTRIPUEN ONDORIOZKOEN EDO BEREZIEN, ABOKATUEN ORDAINSARIEN, GASTUEN EDO EROSLEAK EDO HIRUGARREN BATZUEK EDUKIAK EDO ZERBITZUAK ERABILTZETIK SORTUTAKO BESTE EDOZEIN KALTEREN ARDURADUN, EZ ETA WIKORI KALTE HORIEK GERTA ZITEZKEELA OHARTARAZI BAZITZAION ERE. HERRIALDE BATZUEK EZ DUTE BAIMENTZEN BERME INPLIZITUAK BAZTERTZEA

EDO KONTSUMITZAILEAREN LEGE-ESKUBIDEAK MUGATZEA. BALITEKE EROSLEARI EZ APLIKATZEA SALBUESPEN ETA MUGAK.

Hirugarren batzuen zerbitzuak noiznahi eten edo deusezta daitezke. Denborak aurrera egin ahala, WIKOk ez du ziurtatzen edozein edukiri edo zerbitzuri buruzko inolako ordezkartzarik, ez bermerik. WIKOk ez du inolako kontrolik hirugarren batzuek sare edo transmisio-gailuen bidez transmititzen dituzten edukiei edo zerbitzuei buruz.

**WIKO**k berariaz uko egiten dio gailu periferiko honen bidez emandako eduki edo zerbitzuak eteteari edo amaitzeari, erantzukizun-muga horren orokortasuna mugatu gabe.

**WIKO** inola ere ez da izango edukiekin eta zerbitzuekin lotuta bezeroari ematen zaion zerbitzuaren erantzule. Edukiari edo zerbitzuei lotutako galderak edo eskaerak zerbitzuen eta edukien hornitzaileei bidali behar zaizkie, zuzenean.




#### **Kaxaren edukia:**

1. WIKO DARKMOON mugikorra
2. Korrante-egokigailua
3. MicroUSB kablea
4. Entzungailuak
5. Bateria
6. Eskuliburu laburra

## Sarrera



## ~ Telefonoko teklak


Teklak	Funtzioa
Pizteko/Itzaltzeko/ Blokeatzeko tekla	Tekla hau luze sakatuz gero, telefonoa piztu edo itzali egiten da. Labur sakatuz gero, ukipen-pantaila blokeatu egiten da.
Hasierako tekla 	Tekla hau labur sakatuz gero, pantaila nagusia bistaratzen da eta azkena erabilitako aplikazioen zerrenda irekitzen da.
Menu-tekla 	Tekla hau sakatuz gero, aplikazio aktiboan erabilgarri dauden aukeren menuak bistaratzen dira.
Itzultzeko tekla 	Sakatu tekla hau, aurreko pantailara itzultzeko eta teklatura desagerrarazteko.
BOLUMENA +/-	Sakatu, deia-aren, tonu-aren, musikaren, jokoen eta beste audio-funtzio batzuen bolumena handitzeko edo txikitzeko. Telefonoak jotzen duenean, modu isilean jartzeko aukera ematen du. Bilera-modua aktibatzeko, luze sakatu bolumen-tekla.

## Hasi aurretik

### ~ SIM txartela eta memoria-txartela instalatzea

Telefonoa erabiltzen hasi aurretik, instalatu SIM txartelak. MicroSIM txartela telefonoaren ezkerrean jartzen da. Txartela ateratzeko tekla erretilua-aren atearren goialdean dagoen zulo txiki bat da. Sartu telefonoarekin batera emandako ateratze-tresna (edo orratz txiki bat) zulo horretan, eta sakatu fuertean, baina behartu gabe, erretilua ireki arte. Atera erretilua, eta jarri microSIM txartela. Sartu txartela behar bezala dagokion tokian. Jarri berriro erretilua artekan, eta kontu handiz sartu telefonoan.

SIM txartel estandarraren erretilua telefonoaren goialdean dago. Bultza egin karkasaren goiko aldeari gorantz, irekitzeko.



Sartu SIM txartel estandarra behar bezala ezkerreko kokalekuan.

Erretilu horretan bertan, eskuineko kokalekuan, instalatzen da 32 GB-rainoko MicroSD memoria-txartela. Sartu, kontu handiz, SD txartela, eske-man ageri den bezala. Jarri berriro erretilua artekan, eta kontu handiz sartu telefonoan.

## ~ Bateria kargatzea


Telefono honek bateria kargagarria erabiltzen du.

Adierazleak keinu gorria egingo du bateriaren karga baxu dagoenean. Jarri kargatzen, karga baxuegiak bizitza erabilgarria txikitu baitezake. Konektatu kargagailua korrante-hargune batera, eta mikro USBaren muturra telefonoaren USB atakara. Adierazlea gorri jarriko da, telefonoa kargatzen ari dela adie-

razteko. Kargatutakoan, adierazlea berde jarriko da: deskonektatu, orduan, kargagailua telefonotik.

**KONTUZ:** Telefonoaren bateria ezin da atera. Ez saiatu telefonoa irekitzen.

**Informazio gehiago lortzeko, ikus "Segurtasuna" atala.**





## ~ Telefonoa piztea eta itzaltzea

Telefonoa pizteko, luze sakatu pizteko/itzaltzeko tekla telefonoak bibratu arte.

SIM txartela blokeatuta badago, sartu desblokeatzeko dagokion PIN kodea telefonoa martxan jartzean. PIN kodea telefono-operadoreak ematen du. Ez badaukazu edo galdu egin bazaizu, jarri harremanetan operadorearekin.

PIN kodea hiru aldiz gaizki sartuz gero, mugikorra blokeatu egingo da, eta PUK kodea erabili beharko da desblokeatzeko (SIM txartelarekin batera ematen da. Horrela ez bada, jarrai harremanetan telefono-operadorearekin).

Telefonoa itzaltzeko, luze sakatu pizteko/itzaltzeko botoia menua bistaratu arte. Ondoren, sakatu Apgar. Gero, sakatu Ok, berresteko.

Erabat itzali aurretik, telefonoak bibratu egingo du.

## Oinarrizko funtzioak

### ~ SIM txartelak administratzea

Telefonoa lehen aldiz martxan jartzean, SIM txartelaren edo txartelei buruzko mezuak bistaratuko dira, gailuaren doikuntzak, mezuak eta Interneteko konexioa aldatzera gonbidatuz.


Doikuntza lehenetsiak ondo badaude, sakatu *Cerrar*. Bestela, sakatu *Cambiar*, eta **Administración de SIM** menua bistaratuko da. Ondoren, aukera hauek dituzu:

1. SIM txartelen informazioa pertsonalizatzea **ADMINISTRACIÓN DE SIM** aukeran. Atzealdeko koloreak bi SIM txartelak menuetan bereizteko balio du.
2. **SIM predeterminada\*** doitzea, ahots-deietarako, bideo-deietarako, mezuetarako eta datu-konexiorako. *\*Beste SIM bat ere aukeratu dezakezu ekintza bat egitean, adibidez, dei bat egin aurretik edo SMS/*


*MMS bat bidali aurretik. Lerratu jakinarazpen-panela pantailaren beheko aldera, eta sakatu nahi duzun SIMa. SIM lehenetsia azpimarratuta ageriko da. "Pre-guntar siempre" aukeratzan baduzu, estaldura-adietza learen ondoan dagokion ikonoa agertuko da, deien eta SMS/MMSen menura sartzean.*

### ~ Datuen konexioa

Telefonoa lehen aldiz piztean, edo SIM txartelez aldatu eta telefonoa berriro piztean, Configurar APN menua agertuko da (Interneten ondoan). Gero, sakatu *Modificar*.

Sakatu SIM txartelaren izena, sarbide-puntuen zerrenda bistaratu dadin. Aukeratu zure telefono-operadoreari dagokiona eskuineko botoia sakatuz, eta gero sakatu itzultzeko botoia , aurreko menura joateko.

- **APNa (sarbide-puntuaren izena) ez dago erabilgarri**

Zure telefono-operadorea zerrendan ageri ez bada edo zerrenda hutsik badago, jarri harremanetan zure operadorearekin, APNak eskuz konfiguratzeko. Horretarako, sakatu menu-botoia , gero, **Nuevo APN**, eta osatu zure operadoreak emandako informazioa. Sakatu berriro menu-botoia, eta hautatu Guardar. Aurreko menura pasatzean, aukeratu gorde berri duzun APNa.

- **Datu-konexioa aktibatzea**

Datu-konexioaren konfigurazioa ikusteko:

1. Aukeratu *Ajustes* → *CONEXIONES INALÁMBRICAS Y REDES* > *Más...* → *Redes móviles* > *APN*, eta aktibatu sarbide-puntua, operadorearen/kontratuaren arabera.

2. Itzuli aurreko **Ajuste de la red móvil** menura, eta, gero, sakatu *Conexión de datos*. Ondoren, sakatu SIM txartelaren izena, aktibatzeko. \*Jakinarazpen-panela beherantz lerratuta ere aktiba dezakezu datu-konexio bat.

- **3G zerbitzua**




Bi SIM txartel badauzkazu txertatuta, haietako bakarra aktiba daiteke 3G zerbitzurako. SIM1 aktibatzea gomendatzen dugu, errendimendu egoki bat izateko. SIM txartelez aldatu nahi baduzu, aukeratu *Ajustes* → *CONEXIONES INALÁMBRICAS Y REDES* → *Más...* → *Redes móviles* → *servicio 3G* → *Activar 3G*.




- **Datu-desplazamendua**

Kontuan izan desplazamenduko SIM txarteletarako **datu-desplazamendua** aktibatu behar duzula: *Ajustes* → *Administración de SIM* → *CONFIGURACIÓN GENERAL* → *Itinerancia* Bestela, Interneteko konexioa lehenespenez desaktibatuko da. Operadore birtual baten datu-zerbitzua erabiltzen baduzu, baliteke aukera hori aktibatu behar izatea.

## ~ Egoera-barra

### Egoera-barrako jakinarazpen-ikonoak

	Seinalearen potentzia
G	GPRS sarea konektatuta
E	EDGE sarea konektatuta
3G	3G sarea konektatuta
H	HSPA (3G+) konektatuta
H+	HSPA (3G++) konektatuta
	Ez dago seinalerik
R	Desplazamenduan
	WiFi sarea erabilgarri

	WiFi sarea konektatuta
	Bluetootha aktibatuta
	GPSa martxan
	Deia martxan
	Deia zain
	Dei galdua
	Sinkronizazioa
	Mezu elektronik berria
	Alarma aktibatuta
	Isilik modua aktibatuta
	Ahots-mezu berria



Interneteko deskarga



Ordenagailura konektatuta



Bateriaren kargatze-maila



SMS edo MMS berria






Hegazkin-modua aktibatuta

Aplikazioen arabera, jakinarazpenek soinu-seinale bat, bibrazio bat edo adierazleen keinu bat egin dezakete.


## Jakinarazpen-panela

Zure jakinarazpen guztien xehetasunak ikusteko, lerratu beheantz egoera-barra. Orduan, mezu berri, agendako etorkizuneko gertaera, deskargen egoera eta abarri buruzko informazioa bistaratuko da. Operadorearen izena panelaren beheko aldean bistaratuko da.

Sakatu , jakinarazpen puntual guztiak ezabatzen. Martxan dauden aplikazioak zerrendan geratuko dira. Jakinarazpen bat ezabatzeko, lerratu ezkerre-ra edo eskuinera. Panela ixteko, lerratu gorantz edo sakatu itzultzeko tekla . Doikuntzen panelera joateko, sakatu .

Bizkorrago egiteko, lerratu jakinarazpen-panela beheantz bi hatzekin.

## Azkena erabilitako aplikazioak bistaratzea

Luze sakatu hasierako tekla , eta azkena erabilitako aplikazioen zerrenda bat bistaratuko da. Sakatu ikono bat dagokion aplikazioa irekitzeko. Prozesu hori gelditzeko, eraman ikonoa ezkerre-ra edo eskuinera.

## ~ Menuak erabiltzea


Zure telefonoaren menuak testuinguru-menu gisa edo aukera-menu gisa agertzen dira.

### Testuinguru-menua

Testuinguru-menu bat bistaratzeko, luze sakatu pantailako elementua, eta testuinguru-menuak hari lotutako ekintzak proposatuko ditu. Adibidez, SMS bat luze sakatuz gero, mezu horren aukerak agertuko dira.

**Kontuz:** Elementu guztiek ez dute testuinguru-menua. Menuei lotu gabeko elementu bat luze sakatzen baduzu, ez da ezer gertatuko.

### Aukera-menua

Aukera-menu bat ager dadin, sakatu menu-tekla . Aukera-menuak uneko aplikazioari edo pan-

tailari lotutako ekintzak edo doikuntzak proposatzen ditu, baina ez elementu jakin bati lotutakoak testuinguru-menuak egiten duen bezala.

**Kontuz:** pantaila batzuek ez dute aukera-menurik.

## Segurtasuna

**Telefono hau segurtasun-baldintza egokietan erabiltzeko, irakurri arretaz segurtasun-jarraibide hauek:**

**1. Haurrak:** Arreta berezia jarri haurrei.

Telefono mugikorrek pieza solte asko dituzte. Horregatik, arreta berezia jarri behar duzu haur bat telefono mugikor batekin kontaktuan dagoenean. Produktu honek pieza txikiak ditu, irents daitezkeenak edo ustekabeen irentsiz gero asfixia eragin dezaketenak.

Zure telefonoak argazki-kamera bat edo argizatze-gailuren bat badu, ez erabili haurren edo animalien begietatik gertu.

**2. Entzumena:** Entzungailuen bidez potentzia altuan denbora luzez entzuten egoteak kalteak eragin ditzake entzumenean. Saiatu gutxienero bolumena jartzen musika entzuten ari zarenean edo dei batean. Saiatu luzaroan ez entzuten bolumen altuan.

**3. Gidatzen:** Arretaz ibili gidatzean. Gidatzeko, arreta handia eta etenik gabea jarri behar da, hala, istripu-arriskuak murrizteko. Telefono mugikor bat erabiltzean, erabiltzaileak arreta gal dezake eta istripu bat eragin. Ezinbestekoa da gidatzean haririk gabeko telefonoen erabilerari buruz indarrean dauden tokiko legedia eta arauak betetzea. Ondorioz, debeatuta dago telefonoa erabiltzea gidatzen ari zarela, eta esku libreko kita ezin daiteke irtenbidetzat jo.

**Hegazkinean:** Itzali telefonoa hegazkinean.

Gogoratu telefonoa itzaltzea hegazkinean zoazenean (GSM + Bluetooth), interferentziak eragin baititzake.

**4. Ospitalean:** Itzali telefonoa gailu medikoren bat gertu dagoenean.

Oso arriskutsua da telefono bat martxan jartzea gailu mediko bat gertu dagoenean. Horrek interferentziak eragin ditzake gailu horiekin. Ondorioz, errespetatu ospitaletako edo osasun-zentroetako jarraibide eta ohar guztiak. Gogoratu telefonoa itzaltzea **gasolindegietan**. Ez erabili mugikorra gasolindegietan, erregaietatik gertu.

Arriskutsua da telefonoa **konponketa-tailer** baten barruan erabiltzea.

**5. Inplante elektronikoak eta taupada-markagailuak:** Inplante elektroniko bat edo taupada-markagailu bat dutenek, dei batean, telefonoa inplantearen kontrako aldean jarri behar dute. Telefonoak taupada-markagailu bati interferentziak eragiten dizkiola ohartzen bazara, itzali berehala telefonoa, eta jarri harremanetan taupada-markagailuaren fabrikatzailearekin edo zure medikuarekin, jakiteko zer jarrera hartu.

**6. Sute-arriskua:** Ez utzi telefonoa bero-iturri batetik gertu, esaterako, erradiadore edo gasezko sukalde batetik gertu. Ez kargatu telefonoa materia

sukoietatik gertu (sute-arriskua ukaezina da).

**7. Likidoekin kontaktuan:** Telefonoak ez dezala izan kontakturik likidoekin edo esku bustiekin. Urak kalte konponezinak eragin ditzake.

**8. Erabili WIKOk homologatutako** osagarriak bakarrik. Osagarri ez-homologatuak erabiltzeak zure telefonoa honda dezake edo arriskuak eragin ditzake.

**9. Ez manipulatu ez bateriak, ez kargagailuak.** Inoiz ez erabili hondatutako bateriarik edo kargagailurik.

Ez jarri bateriak objektu magnetizatuekin kontaktuan, baterien + eta - borneen artean zirkuitulabur bat gerta baitaiteke edo baterian edo telefonoan kalte konponezinak eragin baititzake. Oro har, ez eduki bateriak tenperatura oso baxu edo oso altuetan (0 °C-tik behera edo 45 °C-tik gora). Tenperatura-alde horiek baterien autonomia edo bizitza baliagarria murriztu dezakete.



**10. Eroriak edo kolpeak** Kontu handiz erabili eta maneiatu telefonoa.

Babestu telefonoa honda dezaketen erorietatik edo kolpeetatik. Telefonoaren elementu batzuk beirazkoak dira; beraz, hautsi egin litezke eroriz gero edo kolpe handiak jasoz gero. Ez dadila telefonoa erori. Inoiz ez ukitu pantaila objektu puntadunekin.

**11. Elektrizitate-deskarga:** Ez saiatu telefonoa desmuntatzen. Elektrizitate-deskarga bat eragin diezazuke.

**12. Mantentze-lanak** Telefonoa garbitu nahi baduzu, erabili zapi lehor bat (inoiz ez disolbatzaileak, hala nola bentzenoa edo alkohola).

**13. Kargatzea.** Ondo aireztatutako lekuan kargatu telefonoa. Ez kargatu oihal baten gainean dagoela.

**14. Banda magnetikoak hondatzea:** Ez jarri telefonoa kreditu-txarteleetatik gertu, haien banda magnetikoak honda baitaitezke, eta, ondorioz, txarteleetako datuak ere bai.

## ~ Erabilera-ohar garrantzitsuak

1. Bateriaren bizitza baliagarria handitzeko, erabili WIKOren kargagailuak eta bateriak bakarrik. Jatorrizko bateria baten ordean onespenez gabeko bateria bat erabiltzeak, azken hori leherrarazi dezake.

2. Inoiz ez bota bateriak sutara. Errespetatu erabiltako bateriak eta telefonoak birziklatzeari buruz indarrean dauden jarraibideak.

3. Saiatu bateriarik ez hondatzen eta ez zapaltzen. Horrek barneko zirkuitulabur bat edo gehiegi berotzea eragin dezake.

4. Ez desmuntatu bateria.

5. Bateria ehunka aldiz kargatu daiteke ordeztu aurretik. Bateriaren errendimendua jaitsitakoan, jarri harremanetan zerbitzu teknikoarekin, beste bat jartzeko.

6. Telefonoa ez baduzu erabiliko denbora luzez, gogoratu bateria kargatzea eta, hala, haren bizitza baliagarria optimizatzea .

7. Ez bota bateriak etxeko hondakinekin batera, bereizi gabe. Kontuan hartu birziklatzeko aukera, eta jarraitu fabrikatzailearen jarraibideei.

Bateria hondatuta badago, eraman saldu osteko zerbitzura edo WIKOren hurbileneko banatzaileera.

8. Energia-kontsumoa murrizteko, deskonektatu kargagailua korrante-hargunetik bateria kargatu-takoan.

9. Ez utzi bateria kargatzen egunetan, gehiegi kargatu baitaiteke eta produktuaren bizitza baliagarria txikitu baitaiteke.

10. Arretaz maneiatu SIM txartelak. Garbitu egin behar badituzu, oihal lehor bat pasatu suabe-suabe.

11. Larrialdi-deiak: Baliteke larrialdi-zenbakiak erabilgarri ez egotea telefonia mugikorreko sare guztietan, hala nola eremu isolatuetan edo estaldurarik gabekoetan. Aurrez kontsultatu zure telefonia-operadorearekin.

## 12. Irrati-maiztasunarekiko esposizioa:

Maiztasun erradioelektrikoekiko esposizioari dagokionez nazioarteko direktibak (ICNIRP<sup>1</sup>) errespeta ditzan pentsatu eta egin da zure telefono mugikorra. Direktiba horiek erakunde zientifiko independenteek ezartzen dituzte, telefono mugikorrek erabiltzen dituzten pertsona guztien segurtasuna bermatzeko egiten diren azterketa eta ikerketen bidez.

Irrati-uhinekiko esposizioari buruzko kontsignek SAR (Absortzio Espezifikokoaren Koefizientea) izeneko neurketa-unitate bat erabiltzen dute. Nazioarteko direktibek 2 W/kg-ean\* ezarri dute muga hori. SAR koefizientea identifikatzeko testak egitean, funtzionamendu-posizio estandarretan erabiltzen da telefona.

<sup>1</sup> *Erradiazio ez-ionizatzailetik Babesteko Nazioarteko Batzordea*

Absortzio Espezifikokoaren Koefizientea potentzia-mailarik altuenaren bidez zehazten bada ere, telefonoak

martxan dagoela duen egiazko koefizientea gehie-nezko balioa baino askoz txikiagoa izan liteke. Hainbat potentzia-mailatan funtzionatzeko eginak dira telefonoak, sarera konektatzeko behar duten potentzia soilik erabil dezaten. Gainera, merkaturatu aurretik, telefono-modelo guztiei hainbat test egiten zaizkie, Europako R&TTE direktiba betetzen dutela bermatzeko. Direktiba horrek arau zorrotzak ezartzen ditu erabiltzaileen segurtasuna bermatzeko eta osasunerako arriskuak prebenitzeko.

**Gailu honetan erregistratutako gehie-nezko SAR balioa: 0,376 W/kg.** Balio horrek maiztasun erradioelektrikoen esposizioko arauak betetzen ditu telefonoa ohiko posizioan erabiltzen bada, belarriaren parean edo gorputzetik gutxienez 1,5 cm-ra. Fitxategiak, datuak edo mezuak transmititzeko, sarerako kalitateko konexio bat erabiltzen du gailu honek. Batzuetan, baliteke fitxategi edo mezuen transmisioa atzeratzea konexioa egin ahal izan arte.

Hala bada, ez ahaztu transmisioa ezartzeko behar den distantziari buruzko jarraibideak betetzea. Zorro bat, gerrirako pintza bat edo telefonoa eramateko bestelako euskarriren bat erabiltzen baduzu, ez du izan behar metalezko piezarik, eta gailuak gorputzetik gutxienez 1,5 cm-ra egon behar du.

\*Telefono mugikorretarako SAR muga 2,0 Watt/kilogramo (W/kg) da batez beste, ehun zelularren hamar gramoko. SAR balioak aldatu egin litezke, herrialde bakoitzean dauden informazioa aurkezteko moduen arabera.

### **Esposizio-maila murrizteko aholkuak**

Jasotako erradiazio-kantitatea murrizteko, seinalea hartzeko baldintza onetan erabili zure telefonoa. Ahal dela, ez erabili lurpeko aparkalekuetan edota autoan, trenean... zoazenean.

Seinalea hartzeko baldintzak barra bertikal batzuen bidez bistaratzen dira telefonoan. Zenbat eta barra gehiago bistaratu, orduan eta hobeto jasotzen da seinalea.

Erradiaziorako esposizioa murrizteko, esku libreko kita erabiltzea gomendatzen dizugu.

**13.** Zure telefonoa teknikari baimenduek konpondu behar dute. Baimenik gabeko norbaiti ematen badiozu telefonoa konpontzeko, WIKOk ez du bere gain hartuko telefonoaren bermea.

## KONTUZ

Produktuaren ohiko erabileragatik higidura (bateriak, pantailak, teklatuak, argazki-kameraren objektiboak) ez da sartzen **WIKO**ren bermean.

## Datuak erabiltzeko hitzarmena

**WIKO**k doan erregistratzen du zure telefonoa. Zerbitzu horren bidez, WIKOko teknikariak zure telefonoaren datuekin konektatuta egon daitezke eta denbora errealean ikus ditzakete zure zehaztapenak eta modeloa, eta, era berean, zure sistemarako zer eguneraketa dituzun jakinaraz diezazukete, eta zure modeloan edo haren seriean akats teknikoren bat badago, horren berri eman. Gainera, arazoren bat badago, zerbitzuak berehala bidaltzen digu oharra, zuri irtenbide tekniko bat emateko lehenbailehen.

Zure telefonoa erregistratzen duzunean, onartzen duzu WIKOk eta hango teknikariek jaso, gorde, aztertu eta erabili egin dezaketela diagnostiko-informazioa, informazio teknikoa, erabilera-informazioa eta haiei lotutakoak, baita zure WIKO gailuari, sistemaren softwareari eta zure aplikazioei buruzkoa ere (mugarik gabe).

Informazio hori maiz jasotzen dugu, zuri errazago helarazteko softwarearen eguneraketak, produktu- eta zerbitzu-eraren laguntza eta zure gailuaren softwareari lotuta bezeroei proposatzen zaizkien hainbat zerbitzu. WIKOk informazio hori erabil dezake, bezeroaren identitatea jakinarazi gabe, erabiltzaileari bere produktu edo zerbitzu-eraren hobekuntzak proposatzeko. Zerbitzu horrek ez ditu ematen zure eduki eta fitxategi pertsonaletarako sarbiderik.

Zure WIKO telefonoa erregistratzeko, mugikorreko datu-sarerako konexioa behar duzu. Baliteke hori dela-eta komunikazio-gastuak ordaindu behar izatea, telefonia mugikorreko operadorearekin duzun kontratuaren arabera. Prozesu horretarako WiFi konexio bat erabiltzea gomendatzen dizugu.

WiFi-a erabiliz gero, ez duzu datu-mugarik (zure telefono-kontratuak datu-trukea mugatzen badu), eta konexioa azkarragoa da.

Zure terminalak bidaltzen duen informazioari tratamendu informatiko bat ezartzen zaio, zure

telefonoaren datuetara sartzeko. **WIKO SAS da datu horien hartzailea. 1978ko urtarrilaren 6ko "informatika eta askatasunak" Legearen arabera (2004an aldatua), eskubidea duzu erregistratzeko eman duzun informazio pertsonalera sartzeko eta zuzentzeko.** Hemen gauzatu dezakezu eskubide hori: WIKO SAS, 1 rue Capitaine Dessemond, 13007, MARSEILLE.

Arrazoi legitimoak direla eta, zure datuen tratamenduaren aurka ere egin dezakezu.

## ~ Birziklatzea



Eskuliburu honetan, edukiontzi ezabatu baten irudiak adierazten du produktua Europako direktiba baten mende dagoela, 2002/96/EE Direktibaren mende:   
 [REDACTED] produktu elektriko edo elektronikoak,

bateriak eta metagailuak eta bestelako osagarriak gaika jaso behar dira nahitaez. Telefonoaren bizitza erabilgarria bukatzen denean, erabili birziklatzeko edukiontziak edo eraman telefono mugikorren denda batera. Hala, osasunerako arriskuak murrizten eta ingurumena zaintzen lagunduko duzu. Udalek eta banatzaileek eta eraikuntzako elkarte nazionalak emango dizkizute gailu zaharra botatzeko oinarritzko zehaztapenak.

«Gure fabrikatzaile-bermearen xehetasunak eta baldintzak webgune honetan daude: [www.wikomobile.es](http://www.wikomobile.es)»

## ADOSTASUN-ADIERAZPENA

Hau sinatzen duen enpresak, WIKO SASek (Helbidea: 1, rue Capitaine Dessemond - 13007 Marseille - FRANTZIA) honen bidez adierazten du **DARKMOON telefono mugikorrak** betetzen dituela direktiben arau eta xedapenak.

Adostasun-adierazpenaren prozedura, 1999/5/EE Direktibaren 10.5 artikuluan zehaztua, erakunde honek gainbegiratuta egin da:

PHOENIX TESTLAB GmbH, Königswinkel 10

D-32825 Blomberg, Alemania

[www.phoenix-testlab.de](http://www.phoenix-testlab.de)

Telefonoa: +49(0)5235-9500-0 / Faxe: +49(0)5235-9500-10

CE 0700

Gailuaren Adostasun Adierazpenaren testu osoa eskuratzeko, posta arrunt bidez egin behar da eskaera, helbide honetan: **WIKO SAS** - 1, rue Capitaine Dessemond - 13007 Marseille - FRANTZIA



Laurent Dahan / Presidentea

31/10/2013

(Eguna)

(Behar den baimena duen pertsonaren izena eta sinadura)

# Wiko

SHARE YOUR IDENTITY

## WIKO SAS

1, rue Capitaine Dessemond  
13007 Marseille  
FRANTZIA

[www.wikomobile.com](http://www.wikomobile.com)



Entzungailuen bidez potentzia altuan denbora luzez entzuten egoteak kalteak eragin ditzake entzumenean.